

УЗБЕКИСТОН РЕСПУБЛИКАСИ  
ПРЕЗИДЕНТИНИНГ  
**ҚАРОРИ**



**ПОСТАНОВЛЕНИЕ**  
ПРЕЗИДЕНТА  
РЕСПУБЛИКИ УЗБЕКИСТАН

2018 йил „ 3 - май

№ ПК-3693

“ 20 г.

**Чарм-пойабзal ва мўйначилик соҳаларини ривожлантириш ва экспорт  
салоҳиятини оширишни янада рағбатлантириш чора-тадбирлари  
тўғрисида**

Мамлакатимизда чарм хом ашёини чукур қайта ишлаш асосида экспортга йўналтирилган тайёр маҳсулот ишлаб чиқариш ҳажми ва турларини кенгайтириш, шунингдек, ахолини маҳаллий ишлаб чиқарилган сифатли ва арzon пойабзal ҳамда чарм-атторлик маҳсулотлари билан тъминлаш чоралари кўрилмоқда.

Қабул қилинган чора-тадбирларнинг амалда рўёбга чиқарилиши натижасида 2012–2017 йиллар мобайнида терини қайта ишлаш, чарм ва чарм-атторлик маҳсулотларини ишлаб чиқариш ҳажми 1,3 баравардан ортиқ ўси, терини қайта ишлаш ва унга ишлов беришнинг замонавий технологиялари жорий этилмоқда, ишлаб чиқарилаётган пойабзal маҳсулотлари турлари кенгаймоқда.

Шу билан бирга, чарм-пойабзal соҳасини бошқаришнинг шаклланган тизими ушбу соҳада республикамизнинг мавжуд захиралари ва салоҳиятидан фойдаланиш самарадорлигини ошириш, ишлаб чиқарилаётган тайёр маҳсулотларнинг ички ва ташки бозорларда ракобатбардошлигини тъминлаш имконини бермаяпти.

Йирик ва майда шохли моллар терисини, шунингдек, мўйна хом ашёси ва жунни тайёрлашнинг бозор механизмлари ҳамда уларни саклашнинг замонавий технологиялари секинлик билан жорий этилмоқда. Тери хом ашёини қайта ишлаш даражаси паст бўлиб қолмоқда, тармоқ маҳсулотларини ишлаб чиқариш ва экспорт қилишда ярим тайёр чарм маҳсулотлар улушни юкори бўлиб қилмоқда. Чарм-пойабзal товарларининг бир қатор йўналишлари, жумладан аёлларнинг модель пойабзали ва чарм кийимлари, замонавий чарм буюмлар ва аксессуарлар ишлаб чиқаришни ўзлаштиришга эътибор қаратилмаяпти.

Соҳа учун малакали кадрлар тайёрлаш, уларни ишлаб чиқаришнинг замонавий услублари ва инновацион ёндашувларига ўқитиш, ишлаб чиқаришда юкори сифатга эришиш учун хорижий мутахассисларни, жумладан технолог ва дизайнерларни жалб этиш ишлари суст ташкил қилинган.

Чарм-пойабзал ва мўйначилик соҳаларини бошқариш тизимининг самарадорлигини ошириш, хом ашёни қайта ишлашни чуқурлаштириш, илғор технологияларни жорий этиш, ишлаб чиқарилаётган маҳсулот турларини диверсификациялаш ва экспорт килинадиган товарларни кенгайтириш асосида уларнинг жадал ривожланиши учун шарт-шароит яратиш, шунингдек, 2017–2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясида белгиланган вазифаларни изчил рўёбга чиқариш максадида:

1. Маълумот учун қабул килинсинки, “Ўзбекчармпойабзали” уюшмаси аъзоларининг жун тайёрлаш, саклаш ва қайта ишлаш, чорва молларини автоматлаштирилган ҳолда сўйиш, жун ва қоракўлдан буюмлар ишлаб чиқариш билан шуғулланувчи ташкилотлар иштирокидаги умумий йигилиши қарорига мувофиқ:

а) “Ўзбекчармпойабзали” уюшмаси унинг таркибига чарм, мўйна хом ашёси ва жун тайёрлаш, саклаш ва қайта ишлаш, чорва молларини автоматлаштирилган ҳолда сўйиш, жун, қоракўл ва сунъий чармдан буюмлар, чарм-атторлик маҳсулотлари, пойабзал ишлаб чиқариш билан шуғулланувчи ташкилотлар, шунингдек, бошқа ташкилотлар ихтиёрий равишда кирган ҳолда “Ўзчармсаноат” уюшмаси (кейинги ўринларда Уюшма деб юритилади) этиб қайта ташкил этилди;

б) Уюшма “Ўзбекчармпойабзали” уюшмасининг хуқук ва мажбуриятлари бўйича хуқукий ворис хисобланади;

в) қўйидагилар Уюшма фаолиятининг асосий вазифалари этиб белгиланди:

Уюшма аъзолари – ташкилотларнинг хўжалик фаолиятига чорва молларини сўйиш ва тери тайёрлашдан хом ашёни чукур қайта ишлаш ҳамда чарм-пойабзал, чарм-атторлик, мўйна, қоракўл ва жундан ишланган тайёр маҳсулот ва буюмлар ишлаб чиқаришгacha бўлган жараённинг барча босқичларида кўмаклашиш;

корхоналарда илғор технологияларни, халқаро стандартлар талабларига мувофиқ сифат менежменти тизимини татбиқ этишини рафбатлантириш, Уюшма аъзолари – ташкилотларни модернизация қилиш ва техник жихатдан қайта жихозлашга ҳар томонлама кўмаклашиш;

талаби юқори бўлган сифатли маҳсулотлар ишлаб чиқариш ҳажмини кўпайтириш ва турларини кенгайтириш, ички бозорни маҳаллий ишлаб чиқарилган импорт ўрнини босувчи ва рақобатбардош маҳсулотлар билан тўлдириш учун шарт-шароитлар яратиш;

ички ва тармоқлараро кооперацияни, жумладан, чарм, мўйна хом ашёси ва жунни чукур қайта ишлашга ихтисослаштирилган ташкилотлар, шунингдек, чорвачилик хўжаликлари, фурнитура ва бутловчи буюмлар ишлаб чиқарувчилар ўртасида кооперацияни ривожлантириш;

чарм-пойабзал, мўйна, қоракўл маҳсулотлари ҳамда жундан ишланган буюмлар сегментларида ички ва ташқи бозорларнинг маркетинг тадқиқотларини тизимли равишда олиб бориш, тармоқларнинг экспорт салоҳиятини кенгайтиришни кўллаб-куватлаш, моделлаштириш ва брендлаш

бўйича энг янги инновацион ишланмалардан фойдаланган ҳолда хом ашёни кайта ишлаш ва тайёр маҳсулот ишлаб чиқаришнинг замонавий услубарини, шунингдек, илғор ахборот технологиялари ва автоматлаштирилган бошқарув тизимларини кенг жорий этиш;

малакали кадрлар тайёрлаш ва тармокнинг илмий салоҳиятини ошириш, шунингдек, ишлаб чиқаришни хом ашё ва материалларнинг экологик тоза турларидан фойдаланган ҳолда ташкил этиш мақсадида ишлаб чиқариш, таълим ва фаннинг ўзаро интеграцияси учун қулай шарт-шароитларни шакллантириш;

Уюшма аъзолари – ташкилотларнинг хуқуклари ва конуний манфаатларини, жумладан, давлат ва хўжалик бошқаруви органлари, маҳаллий давлат ҳокимияти органлари билан ўзаро муносабатларда, назорат килувчи органлар томонидан текширишлар ўтказиш жараёнида, шунингдек, судларда ишларни кўришда химоя қилиш.

2. Белгилансинки, Уюшма Ўзбекистон Республикаси Вазирлар Маҳкамасининг Инвестициялар, инновацион ривожлантириш, эркин иқтисодий ва кичик саноат зоналари фаолиятини мувофикалаштириш, туризм масалалари комплекси таркибига киради.

### 3. Куйидагилар:

“Ўзчармсаноат” уюшмасининг ташкилий тузилмаси ҳамда унинг бошқарув ходимлари чекланган сони 54 бирликдан иборат ижро этувчи аппарати тузилмаси 1 ва 2-иловаларга мувофиқ;

бошқарув ходимларининг чекланган сони 4 бирликдан иборат “Ўзчармсаноат” уюшмаси худудий бўлимнинг намунавий тузилмаси 3-иловага мувофиқ маъқуллансин.

### Маълумот учун қабул қилинсинки:

Уюшма раиси зарурат бўлганда Уюшма аъзолари умумий йигилиши билан келишилган ҳолда ижро этувчи аппарат ва худудий бўлимлар тузилмасига ўзгартишлар киритиш хуқукига эга;

Уюшмани сақлаш ва фаолиятини молиялаштириш унинг таркибига кирадиган ташкилотларнинг ихтиёрий ажратмалари ва конун ҳужжатларида тақиқланмаган бошқа манбалар хисобидан амалга оширилади.

4. 2018 йил 1 июндан йирик ва майда шохли моллар, тери, мўйна, қоракўл хом ашёси ва жунни юридик шахсларга сотища жисмоний шахслардан олинадиган даромад солиги бўйича имтиёзларни қўллаш учун ўзи ишлаб чиқарган маҳсулотнинг келиб чиқишини тасдиқловчи ҳужжатни тақдим этиш бўйича талаб бекор қилинсин.

### 5. Белгилаб қўйилсинки, 2018 йил 1 августдан:

Ўзбекистон Республикасининг божхона чегараси орқали ҷармни (ТИФ ТН бўйича 4104–4107, 4112 00 000 0 – 4114 кодлари) олиб чиқишига рухсатнома бериш Ўзбекистон Республикаси Ташқи савдо вазирлиги томонидан Давлат божхона кўмитаси ва Уюшма билан келишилган ҳолда нарх

экспертизаси ва лаборатория текширувларини ўтказган ҳолда амалга оширилади;

чармни лаборатория текширувларидан ўтказиш Ўзбекистон Республикаси Президенти хузуридаги Лойиха бошқаруви миллий агентлиги қошидаги Аккредитация маркази томонидан аккредитация қилинган органлар томонидан амалга оширилади;

Ўзбекистон Республикасининг божхона чегараси орқали ярим тайёр чармни (ТИФ ТН бўйича 4104, 4105, 41062 кодлари) олиб чишишга рухсатнома бериш учун экспорт қилинадиган маҳсулот қийматининг 5 фоизи микдорида йигим ундирилади.

Уюшма Ўзбекистон Республикаси Ташки савдо вазирлиги билан биргаликда бир ой муддатда Вазирлар Маҳкамасига нарх экспертизаси ва лаборатория текширувлари ўтказиши назарда тутган ҳолда Чармни олиб чишишга рухсатнома бериш тартиби тўғрисидаги низом лойиҳасини киритсин.

6. Уюшма, Ўзбекистон Республикаси Молия вазирлиги ва Иктисадиёт вазирлигининг “Ўзчармсаноат” уюшмасининг чарм-пойабзal соҳасини ривожлантириш ва қўллаб-куватлаш жамғармасини (кейинги ўринларда – Жамғарма) ташкил этиш ва куйидагиларни унинг асосий манбалари этиб белгилаш тўғрисидаги таклифи қабул қилинсин:

Ўзбекистон Республикасининг божхона чегараси орқали ярим тайёр чармни (ТИФ ТН бўйича 4104, 4105, 41062 кодлари) олиб чишишга рухсатнома бериш учун ундириладиган йиғимдан тушадиган барча маблағлар;

Уюшма аъзолари – ташкилотларнинг, шунингдек, бошқа юридик ва жисмоний шахсларнинг ихтиёрий ажратмалари;

халқаро молия институтлари ва бошқа хорижий донорларнинг грантлари ва кредитлари;

Жамғарманинг вақтинча бўш турган маблағларини тижорат банклари депозитларига жойлаштиришдан даромадлари;

конун ҳужжатлари билан тақиқланмаган бошқа манбалар.

7. Белгилаб қўйилсинки, Жамғарма маблағлари куйидагилар учун фойдаланилади:

ярим тайёр чармдан – тайёр маҳсулот ишлаб чиқаришгача бўлган тўлик ишлаб чиқариш циклига ихтисослашадиган ташкилотларни кейинчалик кайтариш шарти билан маблағ ажратиш орқали молиявий қўллаб-куватлаш;

тижорат банкларининг чарм-пойабзal, чарм-атторлик, мўйна, коракўл маҳсулотлари ва жундан ишланган маҳсулотларни ишлаб чиқариш бўйича янги ишлаб чиқариш кувватларини ташкил этиш, фаолият юритаётган корхоналарни модернизация ва реконструкция қилиш учун ажратиладиган кредитлари бўйича кафилликлар бериш;

корхоналарда ISO:9001 сифат менежменти тизимини ва бошқа халқаро стандартларни жорий этиш бўйича тадбирларни молиялаштириш;

кадрлар тайёрлаш ва қайта тайёрлаш, мутахассислар малакасини ошириш, жумладан ёш мутахассисларнинг хорижда ўқиши ва стажирова ўташи билан боғлиқ харажатларни молиялаштириш;

Уюшма аъзолари – ташкилотларнинг халқаро кўргазмалар ва ярмаркаларда иштирок этишдаги харажатларини қоплаш;

Уюшманинг моддий-техник базасини мустаҳкамлаш, Уюшма ижро этувчи аппарати ходимларини моддий рағбатлантириш, Уюшманинг хорижий ваколатхоналарини саклаш ва хорижий маслаҳатчилар харажатларини қоплаш;

конун ҳужжатлари билан тақиқланмаган бошқа мақсадлар.

Уюшма Ўзбекистон Республикаси Молия вазирлиги билан биргаликда бир ой муддатда Вазирлар Маҳкамасига Жамгарма даромадларини шакллантириш ва маблағларидан фойдаланиш тартиби тўғрисидаги низом лойихасини киритсин, унда ҳар йили даромадлар ва харажатлар сметаси тасдиқланишини, шунингдек, Жамгарма маблағларидан мақсадли фойдаланилиши устидан Уюшма аъзоларининг умумий йигилиши томонидан, яrim тайёр чармни экспорт килишда ундириладиган йигим маблағларидан фойдаланиш кисми бўйича эса Ўзбекистон Республикаси Молия вазирлиги томонидан назорат олиб борилишини назарда тутсин.

8. Белгилансинки, юридик шахслардан олинадиган фойда солиғи, ягона солик тўлови, шунингдек, давлат мақсадли жамғармаларига мажбурий ажратмаларни ҳисоблашда юридик ва жисмоний шахсларнинг солик солинадиган базаси Жамғармага киритилган ихтиёрий ажратмалар миқдорига камайтирилади.

9. Уюшма аъзолари – ташкилотларга 2023 йил 1 январга қадар муддатда куйидаги кўринишдаги солик ва божхона имтиёzlари ҳамда префенциялар берилсин:

фойда солиғи ва мол-мулк солиғи, микро фирмалар ва кичик корхоналар учун ягона солик тўлови, шунингдек, давлат мақсадли жамғармаларига мажбурий ажратмалар тўлашдан озод этиш;

белгиланган тартибда тасдиқланадиган рўйхатлар бўйича импорт килинадиган, Уюшма аъзолари – ташкилотлар томонидан ўз ишлаб чиқаришида фойдаланиладиган асбоб-ускуналар, бутловчи буюмлар, республикада ишлаб чиқарилмайдиган хом ашё, материаллар ва фурнитура учун божхона тўловларидан (божхона расмийлаштируви учун йигимлардан ташқари) озод этиш;

юкоридаги тасдиқланадиган рўйхатларга киритилмаган, ўз ишлаб чиқариши учун зарур бўлган асбоб-ускуналар, бутловчи буюмлар, хом ашё, материаллар ва фурнитураларни импорт қилишда божхона декларацияси қабул қилинган кундан бошлаб божхона тўловларини (божхона расмийлаштируви учун йигимлардан ташқари) тўлашни 60 кунга қадар муддатга кечикириш.

10. Белгилаб қўйилсанки, мазкур қарорнинг 9-бандида кўрсатилган солик имтиёzlари ва преференциялар фактат куйидагиларга нисбатан қўлланилади:

замонавий автоматлаштирилган мажмуалар билан жиҳозланган чорва молларини сўйиш бўйича ихтисослаштирилган ташкилотларга;

чарм, мўйна, қоракўл хом ашёси ва жунни йиғиш ва тайёрлаш билан шуғулланувчи ташкилотларга, кейинчалик ушбу хом ашё қайта ишлаш (ишлатиш) учун факат Уюшмага аъзолари – ташкилотларга сотилганида ҳамда ялпи тушумнинг умумий ҳажмида ушбу турдаги фаолиятдан тушган тушумнинг улуши ҳисобот даври натижалари бўйича камидаги 80 фоизни ташкил килганда;

чарм, мўйна, қоракўл хом ашёси ва жунни қайта ишлаш, шунингдек, бутловчи буюмлар, фурнитура, сунъий чарм, чарм-пойабзal, чарм-атторлик, мўйначилик, қоракўл маҳсулотлари ва жундан ишланган маҳсулотларни ишлаб чиқаришни амалга оширадиган ташкилотларга, агар ялпи тушумнинг умумий ҳажмида ушбу турдаги фаолиятдан тушган тушумнинг улуши ҳисобот даври натижалари бўйича камидаги 60 фоизни ташкил қилса.

Ўзбекистон Республикаси Молия вазирлиги Давлат солик қўмитаси, Уюшма ҳамда бошқа манфаатдор вазирлик ва идоралар билан биргаликда бир ой муддатда мазкур бандда назарда тутилган солик имтиёзлари ва преференцияларни қўллаш тартибини ишлаб чиқсин ҳамда белгиланган тартибда тасдиқласин.

11. Уюшма аъзолари умумий йиғилишининг “Ўзчармимпэкс” унитар корхонасини (кейинги ўринларда – “Ўзчармимпэкс” УК) ташкил этиш ва қуидагиларни унинг асосий вазифалари этиб белгилаш тўғрисидаги таклифига розилик берилсан:

реклама тадбирлари ва қўргазмалар ўтказиш, шунингдек, Уюшма аъзолари – ташкилотларга маркетинг, ахборот ва консалтинг хизматлари кўрсатиш ҳисобига чарм-пойабзal, чарм-атторлик, мўйначилик, қоракўл маҳсулотлари ва жундан ишланган маҳсулотлар экспортини ташкил этиш;

чарм-пойабзal, чарм-атторлик, мўйначилик, қоракўл маҳсулотлари ва жундан ишланган маҳсулотларни комиссия шартномалари бўйича ва хорижий шериклар билан тўғридан-тўғри тузилган экспорт шартномалари асосида, шунингдек, хорижда ташкил этиладиган савдо уйлари оркали экспорт килиш;

тармоқ ташкилотларига технологик асбоб-ускуналар, эҳтиёт қисмлар, бутловчи буюмлар, хом ашё ва материаллар, аксессуарлар, фурнитура, пойабзal қолиплари ва бошқа буюмлар етказишида, жумладан импорт қилишда кўмаклашиш.

“Ўзчармимпэкс” УКга нисбатан мазкур қарорда назарда тутилган, Уюшма аъзолари – ташкилотларга бериладиган имтиёзлар ва преференциялар татбиқ этилсан.

12. Уюшма Ўзбекистон Республикаси Ташқи савдо вазирлиги, Иқтисодиёт вазирлиги, Инвестициялар бўйича давлат қўмитаси, Давлат божхона қўмитаси, “Ўзстандарт” агентлиги билан биргаликда иккى ой муддатда мазкур соҳадаги илғор тажрибани ва мақсадли экспорт бозорларининг талабларини ҳисобга олган ҳолда тайёр чарм-пойабзal, мўйначилик ва қоракўл

маҳсулотларини маркировка қилиш тизимини жорий этиш бўйича комплекс чора-тадбирларни тасдиқлаш учун Ўзбекистон Республикаси Вазирлар Маҳкамасига киритсин.

13. Тижорат банкларига замонавий автоматлаштирилган мажмуалар билан жиҳозланган чорва молларини сўйиш бўйича ихтисослаштирилган ташкилотларга айланма маблағларини тўлдириш, шунингдек, тайёрлов ташкилотларига чарм, мўйна, коракўл хом ашёси ва жунни йигиш ва тайёрлаш учун қулай фоиз ставкалари бўйича кредит маблағларини ажратиш тавсия этилсин.

15. Уюшма икки ҳафта муддатда “Чарм ва пойабзал дизайн маркази” шўъба корхонаси фаолиятини танқидий баҳолаш асосида унинг иш самарадорлигини ошириш, энг аввало, мода индустриясидаги ўзгаришларга тез таъсир чораларини кўриш ва маҳаллий ишлаб чиқарувчилар учун тегишли тавсиялар ишлаб чиқиши, хорижий мода уйлари, мўйначилик аукционлари ва пойабзал, чарм-атторлик, мўйначилик, коракўл маҳсулотлари ва жундан ишланган буюмларни ишлаб чиқаришга ихтисослаштирилган компаниялар билан ҳамкорликни кенгайтириш, шунингдек, ишлаб чиқарилаётган қатор маҳсулот моделлари дизайнини яхшилаш ва турларини кенгайтириш учун хорижий модельерлар, дизайннерлар ва фэшн-экспертларни жалб этиш масалалари бўйича аниқ чоралар кўрсин.

16. Ўзбекистон Республикаси Ташки ишлар вазирлиги Уюшманинг буюртмалари бўйича Уюшма таклиф этаётган хорижий мутахассислар ва кўргазмаларнинг хорижий иштирокчиларига кириш визалари консуллик йигимлари ундирилмасдан расмийлаштирилишини таъминласин, ҳақиқий харажатларни қоплаш йигимлари бундан мустасно.

Ўзбекистон Республикаси Ички ишлар вазирлиги Уюшманинг буюртмалари бўйича Уюшмага жалб этиладиган хорижий мутахассисларга давлат божи ундирилмасдан кўп марталик кириш визалари расмийлаштирилиши, берилиши ва уларнинг муддати узайтирилишини, шунингдек, вактинча прописка килиниши, турган жойи бўйича ҳисобга олиниши ва уларнинг узайтирилишини таъминласин.

Ўзбекистон Республикаси Бандлик ва меҳнат муносабатлари вазирлиги Уюшманинг буюртмалари бўйича Уюшмага юклатилган вазифаларни бажариш учун республикага юкори малакали хорижий мутахассисларни жалб этишга рухсатномалар берилишини (узайтирилишини), шунингдек, жалб қилинаётган хорижий мутахассисларга Ўзбекистон Республикаси ҳудудида меҳнат фаолияти билан шуғулланиш хуқукини берувчи тасдиқнома берилишини (узайтирилишини) таъминласин.

17. Уюшма Ўзбекистон Республикаси Олий ва ўрта маҳсус таълим вазирлиги, Иктисадиёт вазирлиги билан биргаликда икки ой муддатда Ўзбекистон Республикаси Вазирлар Маҳкамасига:

Тошкент тўқимачилик ва енгил саноат институти тузилмасида Чарм-пойабзal соҳаси муҳандис-техник ходимларини қайта тайёрлаш ва малакасини ошириш бўйича ўкув марказини ташкил этиш;

2018/2019 ўкув йилидан бошлаб Тошкент тўқимачилик ва енгил саноат институтида “Чарм ва мўйнадан ишланган маҳсулотлар технологияси ва уларни яратиш”, “Технологиялар ва ускуналар: чарм ва мўйна, қоракўл”, “Технологиялар ва ускуналар: пойабзal ва чарм-атторлик маҳсулотлари” таълим йўналишлари бўйича мутахассислар тайёрлаш;

чарм-пойабзal, мўйначилик, қоракўлчилик тармоқлари соҳасида мутахассислар тайёрлаш бўйича мавжуд касб-хунар коллежларини қайта ихтисослаштириш ва янги йўналишларни очиш орқали худудий ихтисослаштирилган касб-хунар коллежларини ташкил қилиш;

ўкувчиларнинг ўқиши мобайнида олинган амалий ва назарий билимларини мустаҳкамлаш учун ўкув амалиёти дастурларига мувофиқ Уюшма аъзолари – ташкилотларда мажбурий стажировка ўташ амалиётини жорий этиш;

таълим муассасаларида соҳанинг юқори малакали мутахассислари томонидан маҳсус фанлар ҳамда чарм-пойабзal ва мўйначилик тармоқларининг долзарб масалалари бўйича машғулотлар ўtkазишини, маъruzалар ўқишини (жумладан соатбай тўлов шартларида) жорий этиш юзасидан таклифлар киритсин.

18. Уюшма Ўзбекистон Республикаси Иқтисодиёт вазирлиги, Адлия вазирлиги, бошқа манфаатдор вазирликлар ва идоралар билан биргаликда бир ой муддатда:

конун хужжатларига мазкур қарордан келиб чиқадиган ўзгартиш ва кўшимчалар тўғрисида Ўзбекистон Республикаси Вазирлар Махкамасига таклифлар киритсин;

ўзлари қабул килган норматив-хуқукий хужжатларни мазкур карорга мувофиқлаштирун.

19. Мазкур карорнинг ижросини назорат қилиш Ўзбекистон Республикаси Бosh вазирининг ўринбосари – Инвестициялар бўйича давлат қўмитаси раиси С.Р. Холмурадов, Ўзбекистон Республикасининг Бosh прокурори О.Б. Муродов ва Ўзбекистон Республикаси Президенти Давлат маслаҳатчисининг биринчи ўринбосари Б.М. Мавлонов зиммасига юклансин.

Ўзбекистон Республикаси  
Президенти

Тошкент шаҳри




Ш.Мирзиёев

Ўзбекистон Республикаси Президентининг  
2018 йил “З” майдаги ПҚ-3693-сон қарорига  
1-илова



Ўзбекистон Республикаси Президентининг  
2018 йил “З” майдаги ПҚ-3693-сон карорига  
2-илова


**“Ўзчармсаноат” уюшмаси ижро этувчи аппаратининг  
ТУЗИЛМАСИ**





Ўзбекистон Республикаси Президентининг  
2018 йил “З” майдаги ПК-3693-сон карорига  
З-илова

**“Ўзчармсаноат” уюшмаси худудий бўлимнинг  
НАМУНАВИЙ ТУЗИЛМАСИ**



Бошқарув ходимларининг чекланган сони – 4 бирлик.  
“Ўзчармсаноат” уюшмаси худудий бўлимлари ходимларининг умумий чекланган сони – 56 бирлик.

